

26 Yik ātliliksda ya ās kla sī da hāyūtā ī da la-nāqi-la masa ī wānumgila. 27 Kā iks la mā ī zaw ī da nāhwā lāk kā gikumāyis lāk. Kā iks gil ma ī nik kā nāhwā la um zawē lāk, la mīs awilhyisuks hīga-mā ī kīsā, yikī da lā zaw sa nāhwā lāk. 28 Gil um-kl wī sī da nāhwā we-kl lā kī, lā klī da Kwanūqī ūgwākā-kl bunistā mas-kl qilixum lākī da zawē sa nāhwā lākī, kā higāmīs God tā lā-kl Gikumī sa nāhwā. 29 Wihida zau tā klī da la baptize kā is tliā īnī klī, kū kīs lākī da tliī qilāgilīs um-kl? mā zau tā lāgītī dākwas baptize kā is tliā īnī klī? 30 Māsi kā unts lāgītī lā-ūlā-kula kūk nīnālāk? 31 Aula kiasin nikia kā un ekī-kulā ināyin klūs lāk Christ Jesus kunts Gikumāya, wākmūtā gītī mun tliī um lāk kūk nāk-nākia.

32 Kunklū lāk qīgīlasa sa wa-ūq bībagwānum hekaula gla wa gilga-ūmas lāk Ephesus, māsīn qenumā kū kīs lākī da lā tliā qilā-gilīs um-kl? wiga hyū sints humīp glū nākā; kuntsū tliī lākuk tliīs klā. 33 Qālā nīnūtl-tsilāq; yikā yāksāmas nīnumūq yākiā masī kā bagwānum. 34 Glāk-wīdaga kā ī da ekī qā-ināya, kās qātla ūs uk kā yāksamī qīgīlas; kā ī da gāyūtī lūklāks kīs mā ī kauklilāk God: nīkin klas gāda kās mākzihi-idi lākūs. 35 La mīs glī da wa-ūq bagwānum nik-kl, wih-ida zau klī da tliī qilāh-ida matsū-kl? wiks zau klī kā ī ūqīnī klas kū qilāh-id klū? 36 Yūkl nanūlū, yikīs zime yūsāks hīga ma ī qāk-ida āsūks qulsīda ma wīs glā ī: 37 Gla wīs zime yūs, kīsā ākūs hī zimh-idāyū wī qīb-zas kla sī yū qākūstau-kl, hī glī da zimā-las sī da zizidanū glū ūgwilā lākā zimālas lāk: 38 Lā glā tā God zawk yīsīs qayū kā qīxdums, lākā nāhwā zimālas yīsīs hus klāk qīxdum-kl. 39 Yikā nāhwā ulze kīsā ī numāhyīs; yikīs ūgwakātla mā ī ulze sa bagwānum, ūgwila mī ulze sa gilga-ūmas, ūgwila um qa